

## Txhīm Kho Kev Tuav Tswj Nroj Tsuag (Enhanced Vegetation Management)

**TUS HAIS ZAJ LUS:** Lub luag hauj lwm tseem ceeb tshaj plaws ntawm PG&E yog qhov kev nyab xeeb ntawm peb cov neeg siv hluav taws xob thiab cov zej zog. Raws li Xeev California, xeev Oregon thiab xeev Washington, ua ke nrog rau lwm cov xeev nyob rau Sab Hnub Poob, yeej tseem ntsib teeb meem ua ntu zus txog ntawm kev phom sij hluav taws kub hav zoov thiab lub caij nyoog hluav taws kub hav zoo uas ntev dua qub, PG&E muaj lub luag hauj lwm saib xyuas cov zej zog uas peb ua hauj lwm rau txhawm rau ceev tseg tej kev nyab xeeb ntawm peb qhov cuab yeej hluav taws xob. Qhov no muaj xam nrog kev ua hauj lwm nrog rau cov neeg siv hluav taws xob thiab cov zej zog los ntawm peb qhov khoos kas pab kev tswj tuav nroj tsuag txhawm rau los ceev tej xyoob ntoo kom deb ntawm cov xov hluav tawm xob. Peb Qhov Khoos Kas Pab Kev Tswj Tuav Nroj Tsuag ntawm xyoo yuav tshawb xyuas cov hlua hluav taws xob uas nyob siab tshaj tob hau mus txog ncuā deb thaj tsam li ntawm 100,000 mais txhua xyoo, uas yog muaj qee qhov chaw tau mus kuaj xyuas ntau zaus ntawm ib lub xyoo; raws cov qauv ntawm tsoom fww uas yog muaj kev txiav xyoob ntoo ntau tshaj 1 plhom (lab) tsob ntoo ntawm lub xyoo txhawm rau ceev kom muaj kev nyab xeeb nruv ntawm cov hlua hluav taws xob; thiab ntov tej xyoob ntoo uas tuag, muaj kab noj, tab tom yuav tuag, los sis cob pob, tshwj xeeb yog cheeb tsam uas tau raug kev puas tsuaj los ntawm ntuj qhuav teb nkig thiab kab noj. Txhawm rau qhia paub cheeb tsam nroj tsuag uas raug hluav taws kub loj, peb thiaj tau txhīm kho peb lub luag hauj lwm kev nyab xeeb ntawm nroj tsuag. Peb Qhov Khoos Kas Pab Kev Tswj Tuav Nroj Tsuag ua tau zoo tshaj tsoom fww cov qauv txog ntawm kev tu cheeb tsam ntawm cov hlua hluav taws xob, xam nrog rau kev txiav tej ceg ntoo uas ncav mus rau saum ntuj; kev tshawb xyuas lwm yam dhau ntawm kev tuaj mus kuaj xyuas ntawm xyoo; ntsuas tej txheej xwm ntawm tsob ntoo uas yuav tsum tau saib xyuas yog nws yuav siab mus tshuam cov hlua hluav taws xob los sis cov cuab yeej. Peb qhov hauj lwm saib xyuas nroj tsuag yog ib feem ntawm cov kev ntsuas thawj qib uas PG&E tab tom ua hauj lwm tam li ib feeb ntawm peb Qhov Khoos Kas Kev Nyab Ntawm Zej Zog Txog Ntawm Hluav Taws Kub Hav Zoo (Community Wildfire Safety Program), uas xam muaj nrog daim phiaj xwm ncuā sij hawm luv, sij hawm nrab, thiab sij hawm ntev txhawm rau ua kom peb lub luag hauj lwm no muaj kev nyab xeeb dua qub, txij ntu Bakersfield mus rau Eureka. Tej xyoob ntoo yog ib feem tseem ceeb heev uas tsim tej hav zoov ib puag ncig ntawm sab Qaum Teb thiab Nruab Nrab Teb ntawm Lub Xeev California zoo nkauj sib txawv. Peb txaus siab thiab saib siab rau tej xyoob ntoo thiab ib puag ncig hav zoov zoo yam li peb cov neeg siv hluav taws xob. Txawm li cas los xij, cov xyoob ntoos uas nyob ze dhau rau los sis muaj kev phom sij rau cov hlua hluav taws xob uas yuav tuaj yeem ua rau muaj kev puas tsuaj thiab ua rau cov zej zos uas peb muab kev pab hluav taws xob rau muaj kev pheej hmoo txog yuav muaj hluav taws kub hav zoov. Peb yuav ua hauj lwm txuas txiv nrog rau peb cov neeg siv hluav taws xob txog ntawm tej kev daws teeb meem uas yog ua kom muaj tej kev pheej hmoo tsawg zuj zus txhawm rau kom peb cov hauv paus kev txhīm kho thiab cov zej zog, vim tias peb txhua leej yeej siv hluav taws xob txhua hnub. Txog ntawm cov ntaub ntawv tshiab tshaj plaws ntawm PG&E cov kev mob siab txog kev nyab xeeb ntawm hluav taws kub hav zoov, mus saib [pge.com/cwsp](http://pge.com/cwsp).